



廣西通志卷二百一

前事略二十三

明十三

萬歷三年吳文華以右副都御史巡撫廣西討平

南鄉陸平周塘板寨徭及昭平黎福莊父子明史郭應

聘傳有囊括字宙輟遶四夷之志而幸相復經畧當上

意於是焉北寇款塞東夷稽顙南淨炎海西縛鉏

臣之不法者四夷君長交臂而嚮屏息而趨顧百

粵邈在西徼深山大澤封豕長蛇曠焉憑藉者往

往而有天子震怒命大澤中丞吳公授之鐵日汝其

拏戮蛇來令深山大澤蕩我王化萬里著編戶唯

汝功吳公受命不半禪遂謀于總督司馬凌公檄

府江兵備徐副使作日定百粵其先定昭平乎為

我調且募向武諸州漢土兵草薙之以還報天子

緩乃會師于李總帥錫下四屯哨都司韓文啓以

前事二十三

克板燕諸巢五年正月克六勒諸巢斬首四百級
俘賊屬牛馬器械稱是上四屯哨參將吳京以備
師十一月攻福村諸巢克之攻茅花大梁又克之
攻五指巖又大克之十二月取鐵釘巖又取水穿
諸巖取黃竹二巖又取牛棒巖取大崗巖又取白
馬巖遂入五指老巢斬首六百級俘賊屬牛馬器
地遂入五指老巢斬首六百級俘賊屬牛馬器
稱是餘賊悉奔潰四沸有司士漢兵俘斬有差露
布以聞聖心嘉悅大中丞晉級一級賜金幣餘並
加陞賚司馬氏曰余聞百粵有五指白帽蓋天險
云正德中數攻五指不破嘉靖初攻白帽臣行意
吳公五月而舉之若破竹豈不以君行合臣行意
振其綱紀通其條貫哉嗚呼深山大澤非真蛇豕
也則吾人也若其奮焉改圖令田里相安妻子相
保以萬世無煩皇帝之天誅無血大丞之刃豈
不愉快若不悔禍自作不靖是魚遊釜也則皇帝
之天誅故在大中丞之刃故在大中丞之刃故在

黎福莊平樂上四屯曾長也其地故鄰近樊屯
通廣東大羅山互相爲雄長虎踞狼吞隆慶中

福莊常與男黎天龍九合諸獍大入富川略并
橋及鍾用堦寨去已略霞光龍眼寨去由此福
莊益慄悍亾所顧忌矣甲戌春遂與獍人韋六
哥等大入鄧塘廖屋村因圍石面山執歐孝廉
乃以金錢贖得免居一二年丙子會富川割二
五圖賀縣割招賢鄉建昭平縣福莊乃窺隙約
下四屯酋長周淋湘韋方相等及大羅山流賊
一千餘人直走賀縣桂嶺邏使李廷墀提兵疾
力戰斬首捕擄二十七級餘黨還走大桐江而
是時白帽與五指巖險阻可守正德嘉靖時嘗
征討弗克以故酋長盤福成專爲保姦福莊得

恃爲羽翼無恐而昭平民屯諸偷又多有附莊而起者矣于是擊牛洒徼惠鬼神決筮犯府江有狀指揮劉希武備廣運堡具以實請於府江兵使者徐作急使指揮何伯堂行縣佯聲言將度田遂逮捕福莊獲輿膠致臺使者吳文華遂以福莊就吏是日使使者何有信持檄示天龍有如能捕韋方相韋六哥來獻得除罪弗治不女欺也天龍竟不奉約束乃結壘土龍村糾樊屯諸獍相扇而起兵使者厭惡天龍大怒至髮上指冠于是移都御史及總戎李錫因使指揮童元鎮送奉旗牌而以指揮吳京行參將事乃

徵向武常安福祿土兵募遷江民兵屬守巡使
陳應春沈子木彭文質吳嘉禮調度亡何洛容
荆崗北賽諸巢亦聚黨畧里號村我兵卽疾力
搏戰生得一人斬首三十四級餘黨遂逃常安
福祿兵追亡逐北斬首十六級我兵勇氣益百
倍乘勝擊天龍巢還攻白帽五指皆破之斬首
一千三百七十六級俘獲二百一十五口牛一
百五十四頭馬四百騎器械五百七十有八而
獨天龍得逃亡賒死也其後壬午平樂倖朱應
辰以爲賀縣里松等八崗有衆二千餘人附近
楚之衡永東粵之連陽開建蒼梧之懷集山箐

幽深猺獞依阻于其中盤牙連歲有司莫能禽
請立土司而以把總黎邦伯往臨之而于楚江
華諸隘口則立堡備兵五千人陳應春甚可其
議因制置使郭應聘以請以樊家中下屯及攻
城江源近立土司皆有成效故也

萬歷武功錄

謹案武功錄云丙子蓋萬歷四年也又據
平昭平山寇碑事亦在丙子戊寅間列傳
云三年者紀其始事耳

是年懷集大旱民饑

李志

四年蒼梧民林思配亂尋平之老君崗諸猺亂尋

撫之

叢載
馴蠻

五年二月乙丑賑廣西饑

明史神宗紀

是年彗星見西方其長亘天尾直射月宮光芒燭

天數日不滅冬又見次年大征府江

叢載

六年二月辛卯臨村田中青烟直上隨裂地丈餘

鼓聲轟轟民居及大樹石皆陷

明史五行志

北山蠻

一作北三

譚公柄挾毒弩肆傷行旅每一出千

百爲羣自殺黃勝後復聚黨以三千人出岷鳳山

龜籠塘與河塘韋宋武傷江結寨時義寧永寧永

福諸僮羣起相殺掠道路不通會啼咳寨藍公潺

執土吏黃如金奪其司巡撫吳文華檄守巡道吳

善陳俊徵永順白山兵及狼兵勦之平橫江啼咳

諸巢諸猺請還侵地及所擄生口願輸賦爲良民

遂班師

明史土司傳之寇在桂林蒼梧則有古田府江爲最在

張獅平北三大功碑廣西

柳慶之

間則有懷遠諸賊先是都御史巡撫殷公

暨華溪郭公

次第平之矣唯北三入寨至今未平

瘡痍未起

加以蠻性變詐巢穴險阻當事者慎重

之也

萬歷五年小江吳公適開府廣右詩謨勝莫

武緯文經

乃徵地方諸執事者曰惟廣右僻在南

疆

蠻爲害極化久矣其議所宜先加兵者執事

議曰

今之寇莫憂于入寨北三其入寨業已招撫

徐觀其後

而北三者則跳梁已極且立赤幟于諸

蠻之

間使北三不懲則諸蠻不懼諸蠻不懼則入

寨之

撫不堅宜先加兵無愈于此者吳公曰善會

柳慶守

巡各以遠職去公遂檄永寧兵憲吳君善

來經畧

其事焉吳君行公戒之曰兵貴潛機使敵

莫測

近而示之遠者法也君其先聲指晞咳河池

乎吳君曰

敬聞命矣公遂徵兵于各土州司會守

巡該道

陳君俊尹君校各次第抵任二君素沉機

諸練

加以受成于公而又合謀于吳君其猷益壯

矣乃

以右江參將倪君中化統柳慶諸兵而進來

三哨

則屬之永寧參將王君瑞焉兵果先從使道

故爲聲影于河池嘯咳之間賊不之疑也不數日
則兵趨北三諸賊以爲從天而墜已不及掩耳矣
兵進凡三十日克破巢寨一百有奇擒斬四千八
百名顛而俘獲賊屬視擒斬倍之牛馬器械視俘
獲又倍之自廣右用兵以來神速稱快未有也
公又疆理土田分兵屯種益爲善後計凡入寨以
南河池以西靡不聯絡待命恐恐焉不保旦暮豈
有縱橫出沒如昔者態耶績上上嘉之晉公大司
徒郡中鄉大夫及父老子弟各置酒爲地方慶且
詣守巡使君請記使君轉以屬僕嗟乎獅胡能爲
公記耶昔石汀殷公平古田僕書于桂林華溪郭
公平府江僕書于蒼梧之間頌二公之功者尚浮
于僕之文是其文不足而其功常有餘也況公之
北三又事倍于古田府江而他日須公之功者豈
不益浮于桂林蒼梧耶亦服推譽焉語狼心不示
其威則不憚也平禍定亂昭德垂信不假諸勒則
不傳也南山之石玉屏仙變風雨不來千載一日
此非公之碑如有待耶于是父老子弟爭趨而磨
懸崖而書諸崗徭獐莫不相率來視以手加額日
南蠻何敢反乎張獅聞之乃從前數廣西之寇幾
已殆盡遂援筆爲記又孫成名奇功膺錫序萬
歷六年春大慶禮成粵右馳奏捷音適以其期抵

闕下懷柔震疊皇靈丕赫鑠哉盛矣中丞吳公搢
 箕授畫坐收全勝殊偉諱絕余奉命按粵柳慶之
 墟觀其生聚蕭然輒爲之頓響息蓋北三諸巢
 獷悍恣睢爲右江積患已百有餘年于茲矣異時
 秉鈔者非不欲決策殲之顧疊嶂攢巒懸崖峭壁
 元凶大憝蟠結株連必什圍伍攻始足以制其死
 命而粵自比歲甫舉古田旋戡懷洛不無事矣瘡
 痍未瘳輒勤征發力疲費誦民胡以堪矧諸巢距
 邑治密邇胥正更辛什九爲耳目少露其謀俾得
 先期爲備無論扼阻憑危急不擇死卽力不能支
 挈妻孥橐橐無益于滅賊賈勇之以空巢委我將
 與費而卻盼也公初延衆諸老于其土者率以爲
 遠巡而卻盼也公初延衆諸老于其土者率以爲
 落落難合禁莫發一語公曰調瑟者不膠柱起疴
 者不泥方賊誠未易圖然恃險不吾虞正可計破
 耳時諸州土兵劍當更戍公分爲數哨東撲西咳
 西撲河池賊偵間兵集頗成嚴繼聞兵勢分叉業
 有所動度必不能以弩未穿縞遂嬉不爲戒我兵
 乘勝疾趨窮晝夜馳數百里抵巢始相顧愕駭皇
 容莫知所竄束手就縛數百里有遺者蓋公曩歲
 江其所爲籌畧亦類此府江之役以河池咄咳爲
 而出其不虞以入五指右江之役以河池咄咳爲

先聲而出其不虞以取北三其未發也如鷙鳥之
將擊而匿其形其方發也如迅雷之震而不及掩
耳其發之必效也如郤批竅導而奏刀騞然莫不
中者嗟嗟亦奇矣由昔西勇用兵宋邕州國初斷
藤峽其最著者邕州兵二十萬斷藤兵十六萬皆
竭數道之力靡繄歲之積誅鋤雖無算而所損亦
僅相償是役也獲功千計擄巢百計而兵不滿萬
餘費不踰千金堅難林蒐傾摧搖撼而耕儘貿遷
自業于壓肆阡陌難易勞逸相遠奚啻什百也公
在鎮三載黜浮沉蠲逋負拊疲摩瘵嘉惠元元其
渾念注思惟急于調護元氣培養命脈不得不已而
用兵規便擇利計出萬全非僥倖博勝斷以聲稱
自衛者也奏捷一疏詞簡事核不欲少有浮稱
誇詞渾懷雅度岳負海涵世所須社稷器公非其
人耶聖天子頒殊渥答元勳錫典駢蕃寵光舄奕
結知託契亦千載一時矣行將入贊左右對揚王
休以宣令聞于不己區區邊鄙何足久
頻經畧哉余不佞敬歌遡歸之雅以俟

凌雲翼與巡撫吳文華討平河池啼咳北三諸

徭

明史郭應聘傳

文華偕總督凌雲翼征河池嘯咳北三徭北三徭未爲逆雲翼喜事殺戮甚慘得廕襲文華亦

受賞

同上

河池州惟建里賊首韋宋武糾橫嶺賊劫殺地方巡撫軍門吳公文華勦平之

叢載

譚公柄北三會長韋宋武河塘會長也而北三別號剗馬賊其技長于治弩弩頗毒發必能中傷人每一出常百十爲羣自弑土吏黃勝以來歲歲爲邊患苦戊寅夏公柄與韋三層韋三大等常以二千餘人出合鳳山龜鼈塘而韋宋武亦傍江結壘當是時義寧有韋總管韋千里之

獐永寧有黃河平黃明虎之獐永福有廖勝副
良快之獐羣輩爲姦阻山公行殺商人李四及
新民黃銀花執良獐莫東玉等郡縣皆儆戒道
路不通先是萬歷初恩吉長官司被獐常退輿
地可三里亾何啼咳寨酋長藍公潯等欲執土
吏黃如金盡奪其土司如金乃以其狀告于恩
吉參將王瑞頃柳慶參將倪仲化遷來指揮孫
世寶永寧百戶陳維皆後先請于臺御史吳文
華於是軍書移制置使凌雲翼大會于東蘭那
地面冊之間是日卽以羽檄屬分守使吳善分
巡使陳俊征永順白山諸土州州賦兵三百人

及狼兵營堡諸兵皆馳大巖上平橫山啼咳等
巢期諸軍聚河塘啼咳爲營一時至者四面前
是臺御史郭應聘常欲請大兵往擊之五載弗
克公柄等以故益慄桀自河塘啼咳之兵一出
恐公柄等不得旦暮偷生也叵何北三諸酋願
以所占據遷江所屯及被鹵諸生口獻將軍乃

班師

萬歷武功錄

萬歷初岑溪有潘積善者僭號平天王與六十三
山六山七山搖僮據山爲寇居民請勦會大兵征
羅旁不暇及總制凌雲翼檄以禍福積善願歸降
輸賦乃貸其死且以其子入學議者謂七山爲蒼

藤信地六山爲容縣北流中衝北科爲六十三山
咽喉懷集爲賀縣諸村出入之所因立五大營營
六百人合得三千人設參將及屯堡三十治焉明史
土司傳

三月六十三山獍賊潘積善乞降許之叢載

梧州兩粵之會也其地崇岡盤谷延袤相屬往
往爲猺獍所盤據而岑溪尤甚岑溪之西北有
上七山下七山介于蒼梧藤縣間有平田黎崗
白板孔密等三十七巢東南爲六十三山有孔
亮陀田桑園古欖魚修白磔等百餘巢與粵東
羅旁相聯絡賊據峻嶺高可摩天山徑周遭僅

容廁足叢林修樹環數百里無月色賊上下山
阪若走丸我兵乘之竟不能尾其後賊生長山
谷如虎踞穴客兵至不耐其水土瘴輒侵之賊
據山上伏樹中望我兵如數一二我兵惟一小
徑可行賊旁伏藥弩中人立斃我兵望之輒次
且而却蓋虺之弗摧而任其跳梁叫號久矣宏
治年來四征不克嘉靖初七山賊唐宗欽等煽
亂都御史陶諧集官兵討之時居民多爲搖耳
目者師出無功賊滋益橫三十二年都御史應
檟密部置諸卒假以征西爲名乃潛入七山賊
棄巢奔我師困之賊多殪死者遂全師返七山